

ԱՐՁԱՆԱԳՐՈՒԹՅՈՒՆ N 2/4.2-25

ՀՀ էկոնոմիկայի նախարարության զբոսաշրջության կոմիտեի
նախագահի 2025 թվականի հունվարի 9-ի N1-Ա հրամանով ստեղծված
մրցութային հանձնաժողովի նիստի

2025թ. փետրվարի 24-ին տեղի ունեցավ Հայաստանի Հանրապետության էկոնոմիկայի նախարարի 2024 թվականի դեկտեմբերի 23-ի «2025 թվականի «Աջակցություն զբոսաշրջության զարգացմանը» ծրագիրը, 2025 թվականի ծրագրի իրականացման միջոցառումների ժամանակացույցը և ծրագրի իրականացման միջոցառումների ծախսերի նախահաշիվը հաստատելու մասին» N3037-Ա հրամանի 1-ին կետի 2-րդ ենթակետով հաստատված **2025 թվականի «Աջակցություն զբոսաշրջության զարգացմանը» ծրագրի** (այսուհետ՝ Ծրագիր) հավելված 2-ի 4.2 կետով նախատեսված **«Աջակցություն զբոսաշրջային այցելավայրերի կառավարման կազմակերպությունների (DMO-ների) գործունեությանը»** միջոցառման իրականացումն ապահովելու նպատակով ՀՀ էկոնոմիկայի նախարարության զբոսաշրջության կոմիտեի նախագահի 2025 թվականի հունվարի 9-ի N1-Ա հրամանով ստեղծված մրցութային հանձնաժողովի (այսուհետ՝ Հանձնաժողով) նիստը:

Նիստին մասնակցում էին՝

Ա.Մկրտչյան	- ՀՀ էկոնոմիկայի նախարարության զբոսաշրջության կոմիտեի զբոսաշրջության քաղաքականության վարչության պետ, Հանձնաժողովի նախագահ
Ս.Հովհաննիսյան	- ՀՀ էկոնոմիկայի նախարարության զբոսաշրջության կոմիտեի միջազգային համագործակցության վարչության պետ
Դ.Կարապետյան	- ՀՀ էկոնոմիկայի նախարարության զբոսաշրջության կոմիտեի մարքեթինգի և խթանման վարչության պետ
Հ.Սահակյան	- ՀՀ էկոնոմիկայի նախարարության զբոսաշրջության կոմիտեի մարքեթինգի և խթանման վարչության խորհրդական
Լ.Բասմաչյան	- ՀՀ էկոնոմիկայի նախարարության զբոսաշրջության կոմիտեի մարքեթինգի և խթանման վարչության խորհրդական
Զ.Հայրապետյան	- ՀՀ էկոնոմիկայի նախարարության զբոսաշրջության կոմիտեի զբոսաշրջության քաղաքականության վարչության գլխավոր մասնագետ
Շ.Հովսեփյան	- ՀՀ էկոնոմիկայի նախարարության զբոսաշրջության կոմիտեի զբոսաշրջության քաղաքականության վարչության պետի տեղակալ, Հանձնաժողովի քարտուղար

Քվորումն ապահովված է:

Լսեցին՝

Հանձնաժողովի նիստի օրակարգի մասին:

Որոշեցին՝

Հաստատել Հանձնաժողովի նիստի հետևյալ օրակարգը.

- Մրցութի արդյունքների ամփոփում:

Լսեցին՝

Հանձնաժողովին ներկայացվեց, որ **2025 թվականի «Աջակցություն զբոսաշրջության զարգացմանը» ծրագրի** շրջանակներում հայտարարված կազմակերպությունների ընտրության մրցութի գործընթացը իրականացվել է armeps.am համակարգի միջոցով:

Նշվեց, որ

1. Armeps.am համակարգի միջոցով Ծրագրի հավելված 2-ի 4.2 կետով նախատեսված **«Աջակցություն զբոսաշրջային այցելավայրերի կառավարման կազմակերպությունների (DMO-ների) գործունեությանը»** միջոցառման իրականացման համար մրցույթին ներկայացվել է 3 (երեք) հայտ՝

- «Տավուշի մարզի տուրիզմի զարգացման գործակալություն» ՀԿ-ի,
- «Ազատուր Մեդիա» ՍՊԸ-ի,
- «Սյունիքի տարածաշրջանի զբոսաշրջության կառավարման գրասենյակ» ՀԿ-ի կողմից:

2. Armeps.am համակարգի միջոցով հանձնաժողովի անդամների գնահատման արդյունքում Ծրագրի հավելված 2-ի 4.2 կետով նախատեսված **«Աջակցություն զբոսաշրջային այցելավայրերի կառավարման կազմակերպությունների (DMO-ների) գործունեությանը»** միջոցառման իրականացման նպատակով ներկայացված թվով 3 (երեք) կազմակերպության՝

- «Տավուշի մարզի տուրիզմի զարգացման գործակալություն» ՀԿ-ի,
- «Ազատուր Մեդիա» ՍՊԸ-ի,
- «Սյունիքի տարածաշրջանի զբոսաշրջության կառավարման գրասենյակ» ՀԿ-ի

կողմից ներկայացված հայտերը չեն համապատասխանում մրցույթի հրավերի պահանջներին:

Մասնավորապես՝

• **«Տավուշի մարզի տուրիզմի զարգացման գործակալություն» ՀԿ-ի** կողմից ներկայացված հայտում՝

Armeps ծրագրի պիտանելիության չափորոշիչ բաժնում կցված ծրագրի առաջարկը թերի է: Միաժամանակ հայտում հրավերի 2.4 կետի՝

- 1-ին ենթակետով պահանջվող ՀՀ ԱՆ Իրավաբանական անձանց պետական ռեգիստրի պետական միասնական գրանցամատյանից (ոչ ուշ քան 3-օրվա վաղեմության) քաղվածքի ժամկետը չի համապատասխանում պահանջին,

- 3-րդ ենթակետով պահանջվող գրասենյակային տարածքի սեփականության վկայականը կամ վարձակալության պայմանագիրը, կամ տարածքի շահագործման թույլտվությունը կցված չէ (կցված տեղեկանքը, որ տրամադրված է համայնքապետարանի կողմից չի կարող համարվել տարածքի շահագործման թույլտվություն, քանի որ տեղեկանքում նշված հասցեում գործող տարածքը չի պատկանում համայնքապետարանին):

• **«Ազատուր Մեդիա» ՍՊԸ-ի** կողմից ներկայացված հայտում՝

2.3-րդ կետի՝

- 1-ին ենթակետով նախատեսված է, որ մրցույթին մասնակցելու համար դիմող կազմակերպությունը պետք է տեղակայված լինի ՀՀ մարզերից որևէ մեկում: Ձեր ընկերության գործունեության հասցեն է՝ քաղաք Երևան, Սմբատ Զորավարի փողոց, 11, ինչից հնարավոր է իրավաչափ եզրակացություն կատարել, որ ՀՀ օրենսդրությամբ սահմանված վերաբերելի և թույլատրելի փաստաթղթով չի հավաստվում ՀՀ մարզերից որևէ մեկում տեղակայված,

- 2-րդ ենթակետով նախատեսված է, որ մրցույթին մասնակցելու համար կազմակերպությունը պետք է ունենա զբոսաշրջային այցելավայրի կառավարման կամ համանման գործունեության իրականացման առնվազն 1 տարվա փորձ: Ձեր ընկերության հայտում ներկայացված փորձի

նկարագրությունը չի ներառում տեղեկատվություն զբոսաշրջային այցելավայրի կառավարման կամ համանման գործունեության իրականացման առնվազն 1 տարվա փորձի վերաբերյալ:

2.4-րդ կետի՝

- 3-րդ ենթակետով պահանջվող գրասենյակային տարածքի սեփականության վկայականը կամ վարձակալության պայմանագիրը, կամ տարածքի շահագործման թույլտվությունը պետք է համապատասխանեն ՀՀ օրենսդրությամբ սահմանված պահանջներին: Մասնավորապես՝ իրավաբանական անձանց պատկանող անշարժ գույքի նկատմամբ տիտղոսային տիրապետման (սեփականություն, վարձակալություն, օգտագործում) վերաբերյալ փաստաթղթերը (պայմանագիր, համաձայնագիր) ենթակա են նոտարական վավերացման, իսկ դրանցից ծագող իրավունքները ենթակա են պետական գրանցման: Հիմք ընդունելով այն հանգամանը, որ չի ներկայացվել նոտարական վավերացմամբ համապատասխան փաստաթուղթը և իրավունքների պետական գրանցման մասին վկայականը՝ ուստի պայմանը չի կարող համարվել պահպանված:

- 6-րդ ենթակետով պահանջվում է՝ տեղեկատվության տրամադրում **մարզի** զբոսաշրջության բիզնես ոլորտի շահագրգիռ կողմերի հետ համագործակցության վերաբերյալ (օրինակ՝ կառավարման խորհրդի կազմ, անդամների ցանկ, հուշագիր, պայմանագիր և այլն), սակայն ներկայացվել է «Ազատուր Մեդիա» ՍՊԸ և Հայաստանի հոթելներների և ռեստորատորների ասոցիացիայի միջև կնքված համագործակցության հուշագրի տեսապաներածված օրինակը, որում անդրադարձ չկա մարզի զբոսաշրջության ոլորտի շահագրգիռ կողմերի հետ համագործակցությանը:

- Առանց ստորագրության և կնիքի կամ առանց էլեկտրոնային ստորագրության են ներկայացված կազմակերպության փորձի նկարագրությունը, ներգրավվող աշխատակիցների և մասնագետների ինքնակենսագրականները, ֆինանսական նախահաշվի բացվածքը և ծրագրի մանրամասն փուլային (ըստ եռամսյակի) նկարագրությունը:

- «Սյունիքի տարածաշրջանի զբոսաշրջության կառավարման գրասենյակ» ՀԿ-ի կողմից ներկայացված հայտում հրավերի 2.4 կետի՝

- 1-ին ենթակետով պահանջվող ՀՀ ԱՆ Իրավաբանական անձանց պետական ռեգիստրի պետական միասնական գրանցամատյանից (ոչ ուշ քան 3-օրվա վաղեմության) քաղվածքի ժամկետը չի համապատասխանում պահանջին:

- 3-րդ ենթակետով պահանջվող գրասենյակային տարածքի սեփականության վկայականը կամ վարձակալության պայմանագիրը, կամ տարածքի շահագործման թույլտվությունը պետք է համապատասխանեն ՀՀ օրենսդրությամբ սահմանված պահանջներին: Մասնավորապես՝ իրավաբանական անձանց պատկանող անշարժ գույքի նկատմամբ տիտղոսային տիրապետման (սեփականություն, վարձակալություն, օգտագործում) վերաբերյալ փաստաթղթերը (պայմանագիր, համաձայնագիր) ենթակա են նոտարական վավերացման, իսկ դրանցից ծագող իրավունքները ենթակա են պետական գրանցման: Հիմք ընդունելով այն հանգամանը, որ չի ներկայացվել նոտարական վավերացմամբ համապատասխան փաստաթուղթը և իրավունքների պետական գրանցման մասին վկայականը՝ ուստի պայմանը չի կարող համարվել պահպանված:

- 4-րդ ենթակետով պահանջվող ներգրավվող աշխատակիցների ինքնակենսագրականները ստորագրված և կնքված չեն կամ առանց էլեկտրոնային ստորագրության են:

**Կայացավ քննարկում, որի արդյունքում
Հանձնաժողովը միաձայն որոշեց՝**

1. **Մերժել** Ծրագրի հավելված 2-ի 4.2 կետով նախատեսված «Աջակցություն զբոսաշրջային այցելավայրերի կառավարման կազմակերպությունների (DMO-ների) գործունեությանը» միջոցառման իրականացման նպատակով հայտարարված մրցույթի հրավերի պահանջներին չհամապատասխանող փաստաթղթեր ներկայացրած թվով 3 (երեք) կազմակերպության՝

- «Տավուշի մարզի տուրիզմի զարգացման գործակալություն» ՀԿ-ի,
- «Ազատուր Մեդիա» ՍՊԸ-ի,
- «Սյունիքի տարածաշրջանի զբոսաշրջության կառավարման գրասենյակ» ՀԿ-ի

կողմից ներկայացված հայտերը:

2. **Լուծարել** Ծրագրի հավելված 2-ի 4.2 կետով նախատեսված «Աջակցություն զբոսաշրջային այցելավայրերի կառավարման կազմակերպությունների (DMO-ների) գործունեությանը» միջոցառման իրականացման նպատակով հայտարարված մրցույթը և **հայտարարել նոր մրցույթ**:

3. Հանձնաժողովի որոշումը ներկայացնել զբոսաշրջության կոմիտեի նախագահի հաստատմանը:


Ա.Մկրտչյան
(Հանձնաժողովի նախագահ)

-




Ս.Հովհաննիսյան

-




Դ.Կարապետյան

-




Հ.Սահակյան

-




Լ.Բասմաջյան

-



Զ.Հայրապետյան

-



Շ.Հովսեփյան

-

